

GUGUR KOMALAM

Aida Adilah Mat

aida_adilah@hmetro.com.my

Kuala Lumpur

T iada kompromi bagi mana-mana atlet yang mempunyai masalah disiplin dan hakikat itu terbukti apabila atlet pe- cut S Komalam menjadi atlet pertama digugurkan daripada skuad olahraga negara.

Biarpun temasya Sukan SEA Kuala Lumpur hanya berbaki 10 hari, Kesatuan Olahraga Malaysia (KOM) mengambil tindakan drastik dengan menggugurkan Komalam.

Perkara itu disahkan pengurus pasukan olahraga negara ke Sukan SEA Datuk Salim Parlan selepas menghadiri sesi pendengaran bersama jawatankuasa bebas yang diketuai Naib Pengerusi Majlis Olimpik Malaysia (MOM) Datuk Mohd Nazzifuddin Mohd Najib.

Tegas Salim, penamaan atlet bermula dengan Jawatankuasa Pemilihan KOM yang kuasa sepenuhnya terletak di tangan KOM.

"Pengguguran Komalam dibuat atas rentetan beberapa peristiwa yang berpuncak daripada disiplin atlet berkenaan. Nasihat, peringatan, dan ulangan amaran sudah diberi. Tapi perkara ini terus berulang.

"Jadi KOM perlu buat keputusan dan saya sendiri yang mencadangkan untuk menggugurkan Komalam selepas berbincang dengan jurulatih bertanggungjawab."

"Demi ke-

■ **Masalah disiplin atlet itu punca diketepikan, tak jejas misi emas skuad olahraga negara**

harmonian pasukan, perkara ini perlu dilakukan kerana detik-detik terakhir ini boleh mengganggu persediaan pasukan. Maka dengan ini keputusan untuk menggugurkan Komalam perlu dilakukan," katanya.

Menurut Salim, Komalam digugurkan daripada pasukan pada 4 Ogos lalu dengan atlet berkenaan membuat rayuan sehari selepas itu.

Semalam, KOM menegaskan bahawa tetap dengan keputusan untuk menolak rayuan Komalam.

Pengguguran itu bermakna hanya Zaidatul Husniah Zulkifli akan beraksi dalam acara 200m dengan tempat Komalam dalam acara 4x100m akan ditentukan kelak.

Kata Salim, ketiadaan Komalam bagaimanapun tidak menjaskan sasaran emas negara kerana dia tidak diletakkan dalam senarai atlet yang mampu menyumbang kilauan pingat itu.

Catatan ter-

baik atlet berusia 29 tahun itu dalam acara 100m adalah 11.76 saat yang dilakukan tahun lalu dan turut berada dalam kuartet 4x100m yang memegang rekod kebangsa-

an 45.18s bersama-sama Zaidatul Husniah, Siti Fatimah Mohamad dan Nurul Faizah Asma Mazlan ketika Kejohanan Trek dan Padang Asia di India bulan lalu.

Keputusan munasabah

Kuala Lumpur:

Menteri Belia dan Sukan Khairy Jamaluddin Abu Bakar menegaskan alasan pengguguran atlet pe- cut wanita negara S Komalam daripada kuartet 4x100 meter negara adalah munasabah dan beliau diberi jaminan prospek untuk memburu pingat acara itu pada

temasya Sukan SEA 2017

Kuala Lumpur tidak terjejas.

Ditemui selepas majlis pelancaran lagu rasmi tema tema-sya sukan itu

yang bertajuk 'Bangkit Bersama' serta maskot RIMAU semalam, Khairy berkata keputusan itu dibuat bersama antara Kesatuan Olahraga Malaysia (KOM), Majlis Sukan Negara (MSN) serta Majlis Olimpik Malaysia (MOM).

"Sudah tentu soalan pertama saya adakah ini akan menjelaskan prestasi kita di Sukan SEA, tapi jawapan yang saya terima memuaskan kerana atlet lain boleh menggantikan tempat Komalam.

"Pengguguran itu juga dibuat atas sebab munasabah dan saya sendiri berpuas hati," katanya.

Jelas Khairy, sebagai menteri beliau enggan mencampuri keputusan pengguguran itu dan menyerahkan segala-galanya kepada pihak yang terbabit.



HARIAN METRO

9/8/2017 p. 43